

宋詩紀事補遺

宋詩紀事補遺卷之七十一

歸安陸心源

張仲

海陵人湧祐中□□郡丞攝衡陽桂陽二郡守

余今歲夏至後一日捧憲檄衡陽攝郡回嘗

會邑僚于浯溪冬至後二日復奉帥檄代庖

桂陽挈累再游小憩半日因書以記歲月時

湧祐辛亥十一月初六日

一年□檄過浯溪□上唐亭□□□□興亡千古

□□□崖石與天齊

湖南通志
金石畧

方遲

字明甫湖南平江人家連雲山麓學者稱連雲先生師事李燔又師黃幹與餘干饒魯清江張元簡餘干趙師懋稱黃門四子

仙人橋石刻

鄉村十里少人家手掬清泉嚼細茶洞口春深卻無酒故人相贈以桃花

平江縣志宋淳祐間有無名氏刻詩石上
世傳爲仙筆橋尚聳固高可數十丈無石
工贊鑿痕上鐫仙人橋三字體亦古峭今
考方氏譜載此詩爲連雲先生所作

鄭霖

厲有

集仙宮納涼

懸攤如沸鼎元館足清幽竹逕不留暑蓮池先借秋
學仙師有訣戀祿我懷羞安得雙鳧鳥乘風入極游

嘉定縣志

遊虎邱

每謁祠堂憇虎邱山僧煮茗雪花浮陸泉便作曹溪
會引得清風話未休

虎邱志

葉堪之

湧祐時永嘉人

寒翠亭湧祐壬子四月八日永嘉葉堪之奉

梅澗先生之命重建是亭因書以誌

管領江山勝無如寒翠亭一朝成土梗萬象蔽林坰
且喜新經理猶存舊典刑爲留亭柱句姑以代鐫銘

謹案詩刻在英德南山寒翠亭爲繆夢遠重
建則此刻稱梅澗先生卽夢遠也

廣東通志
金石畧

蔡元厲

湧祐時人

麻姑池

一作彩
雲軒

洞府神仙是此家麻姑曾駐五雲車峯前三尺寒泉

水猶是白蓮開舊花

廣東通志
山川畧

贈逍遙子

身在逍遙境開菴寓此身紅塵不到處白日獨閒人
月滿雲山夜花留玉洞春坐中無俗客猿鶴故相親

羅浮山志

孤青峯

琳館松扉白晝局驂鸞人去已冥冥天開遠畫樓臺
古地得遺丹草木靈萬壑野雲晴釀雨一池秋水夜
涵星麻姑仙馭今何在檻外孤峯晚更青

羅浮山志

中閣

萬仞仙山插太空山腰依約見蓬宮人寰隔絕無煙

到洞府深沈有路通石罅生雲埋柱礎海光浮日照
簾櫳野僧齋罷凭欄久千里秋毫一望中

羅浮山志

遺履軒

仙客相從住玉都軒前惟見老松枯春來試問梁間
燕還是當時舊履無

羅浮山志

衛宗武

字淇父自號九山華亭人清祐間厯官尙書郎
出知常州罷歸故里三十餘載至元二十六年
己丑卒著有秋聲集

寓蕭塘皆春堂偶成

紅雲逐水流春事隨飛揚昔嗟節序移今苦歲月長
游爲蕭水游物是人則亡西園得逍遙暫寄風雨牀
染染荆棘中尙餘頴紫妝晚芳銜鮮妍婉媚春滿堂
倚閑俯澄碧浩蕩花藕塘壽柏虬龍姿古桂鴻雁行
幽禽三五弄羈羈疑宮商林園豈不好惆悵展匪良
辰良其何時世運安有常我欲把犁鋤老此桑麻鄉
却疑遠城市物怪尤披猖不如依墳廬結茅千仞岡
寄玄而棲白抗志於羲皇清泉碧嶂間歿則於斯藏

自茶塢歸禾中墳庵賦

旣雨俄喜晴旣晴旋復雨老年困肩輿僕夫苦行路

霏霏霧氣收冉冉陽明吐軋端頓收豁物象各呈露
晴巒含春暉娟娟如靚女枯槁變華滋萬綠新織組
澗花度幽香谷鳥試新語勝槩未易窮可挹不可取
我來事幽討惟恐商羊舞願天衍霽期助我發吟趣
歸來日未哺一聲聞杜宇

和趙蓮奧琴

豈無五尺桐所貯徒百囊惟君匣中材古韵涵混茫
高山與流水雅趣深可長古人寶清英今君豈殊揚
鏘然出金石振厲如歌商母惜一運軫水雪置我腸

和趙蓮奧劍

豈無三尺鐵巧事犀玉妝惟君匣中藏百鍊侔步光
小試鋒莫當崖石中開張會須斬奸邪煜煜神光揚
未遜古佩刀公輔誇王祥斯物由天成匪但工之良

寄徐清溪

清溪溪上山九山山下水山水遙相望美人隔千里
飛鴻來遠音老鶴喜得類望履杳無從豈或尼而止
採蘭以爲贈折梅以爲寄芳馨匪常存懷想烏能已
吾衰年幾何歲月猶川逝理奧欠浙微書囊未窮底
古杭可輦航溪流迅如駛雖爽菊秋期花時更清美

賦竹深處

淇園旣往不足論渭川徒多未足貴森然玉立闢幽深彌望恢恢有餘地何異東亭手親植遂使南陽日清閑綠雲障日間弗容翠濤翻空杳無涘冥冥韓林靜而秀窈窕蔣逕深且邃洗清袢暑迥莫留截斷俗塵飛不至何須層冰置几案自然涼氣生衣袂吟弄風月騷人徒伯季松梅歲寒味於斯二仲可論交誰爲六逸直邀致何時徒步許直造著我其間同一醉祇恐君疑庾亮來角巾豈免還私第

過安吉縣梅溪二首

壯年知幾到幽徑喜重尋異世桃源路暮春梅子林

屏山森秀色槃澗漱清音迤邐窮幽眇山行不厭深縱步歷前村翛然幽趣深鳴鴻歸別渚倦鵠立寒林煙樹遠橫帶雲甍高聳岑隨風數聲笛清絕似龍吟

重到霅隴新阡

摸金郎久徧郊原冢域猶欣草木蕃松已高年爲老友竹添新譜長仍孫四圍秀色山浮几一曲清溪水到門莫恨牛眠無瑞應且欣老壽此身存以上見秋聲集

李申子

字思齊臨邛人涪祐中人

北巖寺

深城市紅塵怎得侵
缺骨雲巖檜老險驚
缺興廢一掬清泉酌古
缺沈寂徘徊覓句聽
下缺

君子泉

口巖峭口色爛斑雲葉煙蘿口口鬢疑有仙琚時會
集睡珠霏屑落人間

金石苑

林師裁

字詠道號竹邨臨海人愛古博雅廣學嗜書老而所儲益富卒年七十五陳耆卿誌其墓所著詩文數鉅帙藏于家

題嘉祐院東軒

到處已無花可吹東風猶自舞殘枝山僧只解關門
睡春去春來總不知

熊守弓復左史刻九朝宸翰竄于台學賦詩
記之

皇天祐宋寶歷昌列聖功德高虞唐萬幾餘暇不自
逸銀鈎鐵畫揮天章洋洋謨訓揭日月留心庶事寧
少忘當時賜予皆賢傑至今緹襲爲珍藏丹邱史君
武夷仙快淩紫清登玉堂親從芸閣獲墨本寶如金
玉留巾箱承明厭直暫出守邦人盡喜來冀黃公餘
鈴齋靜無事祖宗盛烈思發敷編摩允屬大手筆白

玉鏤牒陳膠庠要令衿佩覩盛事端拜伏讀思激昂
明如星斗麗霄漢奎躔壁宿紛光芒翻如和氣結雲
路氣氤融液爲嘉祥龍蛇委蛇欲飛舉鸞鳳宛轉爭
翹翔晉唐數君無出右王顏諸子難比方史君一旦
出奇秘豈與劉洎爭升床亟聆飛詔下丹闕指日入
觀登明光雲龍風虎慶會遇股肱元首歌明良邦人
頌戴自今始爲公紀德龜趺旁天台
別編

林表民

字逢吉師蔵子其先魯人六世祖廣之卒天台
縣稅官遂居臨海博物洽聞師蔵編天台集表

民續之陳者卿修赤城志屬表民撰述又自爲續志三志世多稱之復以記序銘贊之文志載不盡者爲赤城集若干卷有玉溪吟草

題鄭熙寧夫玉軒

良玉本不琢太音無希聲觀君命軒意欲以詩自鳴君詩志古調考擊參莖韻泠泠澗泉泣切切谿篠清孚尹露涵采潤美月泛英昔聞落中山種者須其成非希咸陽價匱韞那敢輕用之薦穹昊何但鬼神驚涼吹攬庭葉夜疏耿燈檠一讀一歎予古調真難評

送天台李明府貫一歸越

赤城譚舊令爲政且鳴琴澗瀑知清操山雲識苦吟
自甘催賦拙誰信勒碑深歸路春風近煙花繞禁林

送王季和文知施州二首

阜蓋蠶叢去青祗鳳厯頽雪林猿叫峽春院鳥啼山
文字傳三楚恩威化八蠻政成明主召九虎啟天關
宿幸依劉表時蒙說項斯方爲感知賦遽作送行詩
萬里通吳蜀千山隔夢思江頭野梅發應記共吟時

初夏別墅

池館春方謝連朝雨似煙亂荷藏睡鷺繁木集嘶蟬
地僻觀書樂心清得句玄野僧時過我攜手弄雲泉

寄聖水老法照

五載禪林結淨緣又飛一錫過甘泉曉池洗鉢雲常潤夜閣繙經月自圓碧眼誰參庭畔柏赤身難並社中蓮飽看勝境多佳句好爲閒人寄一篇

送薛子範明府歸永嘉

天台邑債今還了未上清班意若何行李比如初到少鬢絲贏得近來多民踰界首攀車送君向城隅
杆騎過恨滿東風不能別柳邊鶯語卽驪歌

題大悲寺兼簡講師

從來金地過銀地智者修禪古道場疊嶂倚空圍日

月穹林聳壑飽風霜碑文多是唐人刻經卷猶存燭
帝藏偶值故交初入院一燈留宿水聲房

天台邵明府履善遺牡丹名賦一絕

人間興廢手搏沙喬木猶存少故家不見石邊題甲
乙空餘姓氏落名花

牛家黃

一春苦雨又憂花爛盡秧根穀再芽見說雲頭紅可
喜老農猶恐是朝霞

雲頭紅

可是東皇雨露深不成一字亦腰金世間大有麒麟
檀對此誰能起媿心

金繫腰

一枝美過玉柈孟歲晚何由復遇蘇我欲命名名不

得有名無實不如無無名

種

送倪平仲高士歸天台

綠章封事步虛仙來自東皇太一邊滿袖明珠出光
怪又隨溪月上歸船

桐柏山高空翠寒夜深星斗近仙壇下宮銀瀑三千
丈付與詩人雨後看

新昌道中

殘村時有兩三家繚繞清溪路更賒客裏不知春去
盡滿山風雨落桐花江湖後集

山齋書事

掩卷聽蟬韻憑欄數雁行井風梧葉雨籬月菊華霜
又是秋將老那堪夜更長愁吟無與共殘燼落書牀

次韵劉允叔丈主簿讀予所編天台集見贈

之作

樓頭殘月映儲胥人在西窗酒醒餘夢裏都忘閨風
路吟邊如到玉霄居鄰牆共作無何飲別墅期看未
見書祇恐弓旌便招去漢家荅詔待相如

挽王房州伯洪

崇牙出鎮古邊頭名與龔黃共一流方見勒碑歌善
政忽驚罷市哭仁侯燕飛古巷人千里梅落寒溪月

一樓前事已非那可問晚雲零亂綠山稠

挽新昌王明府吉甫

不見高人祇自悲每哦佳句望烏衣浣花風月參謀
去採藥谿山茂宰歸萬里險艱頭已白半生功業夢
還非阿戎蓋上青雲路奕世清門要發揮

次韵沈興之稅院歲暮記事二首

一欄寒雨滴愁聲贏得松齋睡思清急景不知年又
謝壯心空悵事無成溫存凍壁火初舉陵轔破窗風
自鳴多謝故交相慰藉浪捐珠璧使人驚
穿雲時有一鴻聲喚雪口風冷更清臘意未敎梅萼

老春風先放柳條成亂離每歎兵難戢貧賤還憂道
不鳴節物一番空自好暗添年紀卻堪驚

刻中詩

遺蹤曾記晉諸賢乘興今無雪後船斷塹毀垣難借
問瓢文猶著太康年

題方叔所藏馬中遠春牧晚歸圖

一抹東風樹色新牛羊莽莽散平原微煙細草知歸
路竹塢人家半掩門

趙葵

周有

贈石牛上人

萬里江山萬里天疏鐘半夜落漁船老來羨殺禪關
客一枕江聲抱月眠

開有益齋金石記少師贈石牛上人詩云云

黃載

字伯厚號玉泉南豐人大受子深春秋左氏之學以詩名嘉熙淳祐間丞相鄭清之力引之知封州以廉謹稱仕至廣東兵鈐卒有蜡社歌餘陪侍丞相安晚先生宿覺際寺夜遇大風作船頭落日如血紅客言今夕當有風空山夢回刺骨冷纊被無力身如弓但聞紙窗響窸窣初意空厨飢

鼠出忽然扉戶競開闔猶謂偷人入吾室須臾歎作
號怒聲鼙鼓百萬漁陽鳴室廬動搖地欲轉林木震
吼山如崩噫嘻異哉那有此欹枕恍惚疑夢寐應是
錢塘醉未醒翻海胥濤騁游戲或者客寓紫塞旁鐵
騎赴敵古戰場不然此處安樂國何遽哩阮猶乘航
起來穴牖目如割平湖已捲千堆雪乃知跋扈是飛
廉似妒晚來客饒舌因思前年到黃岡朔風搖江驚
斷腸驍將忍凍骨成鐵壯士力鬪身如湯此身彷彿
臨皋上一感還生百惆悵長安貴人正酣眠日高尚
戀銷金帳東窗未白雞未啼相公自起燒松枝

過長安渡

重來已過十番秋更十番秋欲白頭無限舊時心裏事青山殘照水東流

道上見上墳者

搜祭烏鵲噪晚田草芽新染綠如烟墓頭寂寂蟲鳴急惟有春風舞紙錢

沙谿

石路崎嶇石瀨鳴峯巒回合小原平桑麻積雨肥春籠雞犬一村喧晝晴田婦共攜中飯去樵童相喫上山聲邊頭今有江南景十數年來不用兵

峴山

向來陵谷尙依然放眼高臺萬象還南國一池裏漢
水中原千古鄧唐山斜陽淡淡飛鴻沒芳草萋萋戍
馬間前代英雄亦何許棹歌日日過滄灣

鍾馗觀鬼鬪蟆圖

誰推酆都局逸此庵十一相羣鬪蟆供戲劇納墨何
從拂其迹兩雄鬪於前四鬼相視欣欣然小蟆對睨
擁雙膝筠籠一蟆跳欲出前者差壯一力肩後者引
索擊於拳髯翁磬折目勝負突眼老嫗探頭覬就中
黃叟如蹲鴟破帽長袍吾老馗雙眼直下眼不市諸

鬼樂與吾翁狎四丁更與蟆之魁疾馳不能壓欲積
蟆肥如豚怒於虎張頸縮項誇相顧昔時唐宋失天
經妖蟆曾瞎天眼睛今魔視蟆細於蟬魔若跳梁那
可指羣陰膠凝互掀翻六鰲頂戴愁顛連但能伐魔
旣厥類芟夷妖蟆談笑耳侈妖之事馗所司何獨反
與爲兒嬉不惟失職縱姦宄鬼禍如蟆將及爾參軍
參軍其然乎或者好事丹青圖諒應馗笑玉川子誅
蟆未殊骨枯死風悲雨淒天地愁蟆鬼正是相雄秋
僅餘一日不可晴我曷不可相娛說會聞隔簾歌鬪

鼈山鬼性命摧紅牙

以上端社歌餘

時少章屬有

字天彝瀾之季子天才絕出博極羣書初授麗水縣主簿改婺州添差教授兼麗澤書院山長又改南康學教授兼白鹿洞書院山長逾年擢史館檢閱以凌蹠劾罷授保寧軍節度掌書記以終著易詩書論語孟子大義六十餘卷論孟詩贊說易卦贊雜文古歌詩數千篇總爲所性稿五十卷日記十卷

鳴雞行

三更寥落秋夜長老雞望星初引吭一聲二聲天沉

添客夢初回猶惚恍三聲四聲天漸明道土行人馬
蹄響嗟爾行人人有心心長而短誰能尋薛君脫走
窘思慮劉牧起舞豪精神勿言咄嗟纔滿座中有歎
悲千萬個君知種種在此雞只合雞聲塞天破吳中
老翁百不忙殺雞釀酒醉年光黃紬軟暖蒲薦穩日
出三竿猶在床

書事七首

諸將紛然各自雄面前全隔馬牛風尚衣已辦通天
帶何日臨門送晉公

共說曾公有府城殿前數日淨邊塵白麻宣受人爭

羨寶馬高秋報主身

特地今年荷主恩儲胥百萬給諸屯張翼自向河南
死懷朔驚翻賀六潭

莫爲蒲騷高舉趾邊情轉眼又干迴吳房外敗寧非
計防後飛軍雪裏來

高帝神靈未可誣至今陵柏尙扶疎小臣眼有一石
泪准擬北來多破除

北引黃河入宿河下裁鹿角起層波城中待哺一萬
戶咫尺南船那得過

瑪瑙遺基尙未斜兩京風物使人嗟先皇月出曾游

厯空見春風發落花

題園門

林花落處憶初妍半折妖紅似隔年今日綠陰還漲
眼却思花落又茫然敬鄉錄

郭鳳

寧遠人寶祐元年癸丑進士厯官翰林學士出
爲廣東參政

重華巖

重華人逸夏商前奚取名巖紫洞巔架入纔如窺寸
管仰瞻早已到中天仙田有跡閑芳草韶樂無聲寄

滴泉遐想溫恭遊古昔恍如瞻對聽虞絃

舜廟

雲封舜冢杳難尋徒取箭韶索九陰學講執中憑古籍道傳精一抱遺心五臣山拱如班瑞二女峯和似鼓琴英爽不磨天地老萬年悲淚植皇琳沅湘耆舊傳

黃播

內江人寶祐元年進士

楚塞樓

樓上何由楚塞名楚人曾此設重局固知宇宙同文軌聊把江山作障屏輿地紀勝

唐震

字景實寶祐元年進士厯浙西提刑嘗忤賈似道免官咸淳十年起知饒州元兵至震發州民城守元守將使人入饒取降欵通判萬道全諷震降震叱之曰我忍偷生負國耶城中少年感震言殺使者明年二月元兵大至都大提舉鄧益遁去震出府中金錢書官資揭於城募有能戰者賞之眾懼不能戰遂墮震入府中玉芝堂有頃兵入執牘鋪案上使震署降震擲筆于地不屈死之兄椿與家人俱死贈華文閣待制謚

忠介廟號褒忠官其二子

遊四明留題丹山

四明光照九霄寒
闌苑神仙日往還
瀑布遠從銀漢落
洞門長鎖白雲閒
深崖瑞木金文潤
絕頂靈槎鐵色斑
無限遺蹤人莫識
落花香泛水潺潺

餘姚縣志

唐元齡

元齡新建人寶祐元年進士官樂安令

鬱林寺

一徑通深窈
叢林獨蔚然
神仙棲佛屋
香火當僧田
罕見催租吏
誰談文字禪
吳儂來拜朔
僂指滿三千

華蓋山

巍然獨立九霄中，勢壓衡廬亘華嵩。
擣藥聲高蟾闕近，乘槎路渺鵠橋通。
三更見日生滄海，六月飛霜下翠空。
好挾千年王子晉，玉笙輕度碧桃風。

以上江西詩徵

象眠山

作縣苦無俄頃閒，喜逢佳節一開顏。
無人送酒來彭澤，有客登臨嗣魯山。
慨想鶴汀鳧渚外，盤桓鱉水篆峯間。
賞心未盡天將晚，臘插黃花帶月還。

新江西通志

尹竹坡

遂昌人亡其名寶祐元年進士以能詩稱宦游

江湖作詩千餘篇景炎元年家燬于兵詩亦散落

秋日寄僧

白蘋影蘸無痕水黃菊香催未了詩元詩選

梅應發

字定夫江南廣德人寶祐元年進士累官中奉大夫直寶章閣宋亡元召起之辭以疾年七八十卒有遺稿三十卷

題靈山絹機石

山澗來湍流媿神闕崛奇不作江湖迴縠水情而漪

異哉靈山靈幻此天然機杼軸馳紅女朝朝忙繭絲
不見手指勞便製鮫室衣民家得此練應寬縷征期
兩岸蘚磴滑誰敢拭眼窺卻宜就暑飲六月霜雪飛

廣德州志

陳琰厲有

登法華臺

南楚歸舟牽客思西風脫葉轉秋寒年華漸晚邊城
遠凝望中天更倚欄輿地紀勝

胡文舉

字仲明進賢人寶祐元年進士主審國軍簿調

贛縣尉平反甚多調浮梁丞卒于官見西江志
挽故知容州朝請陶公

孤松挺挺凜高風萬語形容不盡中獨指平塘塘上
水水之清處儼如公見平塘集

鄭應開

處州人寶祐元年與蘄盈之同游福建靈源洞
刻石洞門見石刻

遊鼓山

兩峯峻上半天開一水爭奔急雪來眺遠直疑滄海
近洞靈曲拗湧泉迴慨思南北江山異更陟嗟峩宇

宵柝渺渺愁予歌石鼓漫磨枯墨灑蒼苔

福建通志古蹟

陳大震

字希聲番禺人寶祐元年進士守全州元兵入
境遂自効罷歸端宗入廣召爲尚書吏部侍郎
不就宋亡元錄舊臣授司農卿廣東儒學提舉
以疾力辭自號蘧覺先生著有文集數十卷今
不存

哭陳推官應辰

海濱推老大粹行比珩璜

粵詩蒐逸

劉叔子

字君舉長寧人寶祐二年知重慶府

觀石魚嗣劉忠順韵

啣尾洋洋石上鐫或依于藻或依蓮夢占周室中興
日刻自唐人多思年隱見有時非強致豐凶當歲必
開先太平誰謂眞無象睂睂還歌樂與賢石

黃巖孫

字景傳泉州人寶祐二年迪功郎仙遊尉纂仙
谿志一十五卷秩滿改潮陽教授

鳴峯巖

卓道當年愛此峯直於頂上駐禪筇巖深疑有仙人

宅地僻全無俗客蹤
鏽石引泉圍古屋
斷烟拖露滴寒松
夜來冷枕蒲團睡
夢破一聲殘月鐘

仙遊縣志

趙虞臣

金華人

寶祐丙戌遊中巖携盆蘭真月巖下圍棋小酌開適竟日書二絕句以紀其清

蘭著秋花分外奇
月巖清坐聽枰碁
渾相與同心處
更近新涼八月時

茲遊閑適實清奇
恍對柯山一局碁
興盡相呼下山去
歸途猶趁日西時

中巖石刻

宋詩紀事補遺卷之七十一終

門下士烏程縣學生員李延達校

宋詩紀事補遺卷之七十二

歸安陸心源伯剛父輯

文有年

眉山人寶祐四年進士景定壬戌爲永州從事
咸淳初朱禊孫帥嶺右辟爲屬

題元子故宅

漫郎百事皆漫爾獨有溪山認作吾念無一物鎮泉
石生怕偃蹇著吾徒靈武中興功列德天地大義須
人扶寧將善頌寓謫諫百世聞之立懦夫大師勁氣
形於筆二美能兼自古無後來衮衮下注脚識者涪

翁次石湖松煤狼籍楮山赭容谷雷響工傳摹徘徊
熟玩長太息世道日與湘流俱

題澹山巖

爲愛溪山來永州黃茅白葦使人愁驅車遙指嵛峯
去峯在瀟江最上頭江轉峯回景奇絕澹山嵌寶真
天設摩抄丹龕酌石泉髮鬢曾遊今幾刼微君徵君
苦避秦一秦人又一秦人青山踏破無局鑄何地堪
逃世上塵湖南通志
金石畧

紀應炎

字伯明遂溪人寶祐四年進士初試澄邁主簿

咸湧中宰南海

書桃符句

三年南海清心坐一任東君冷眼看

粵詩
菟逸

吳鉤

字振道湖南平江人寶祐四年進士官石埭令
爲宋遺民九老之一

句

阮籍摩挲青眼舊鄒陽感慨白頭新

沅湘
舊傳

羅椅

厲有

臚睡

瞌睡從何來譬如風雨至曲几不待憑虛撫那暇寄

唐人眉強撐伸手扇已墜徑遊華胥國欲見混沌帝
齁齁自成腔兀兀更有味息疎疑暫醒氣窒還扶醉
兒童欲惱翁搖膝問某字吻間僅一答言下已復寐
雜然拍手笑欲嗔嗔不遂何曾參祖佛先會點頭意
何曾逢翹車流逛已沾袂不省較短長誰能問興替
陰天百怪舞開口輒差異三百六十日何以長瞌睡

東南
紀聞

蘇良

字堯臣番禺人寶祐四年進士知肇慶府事
咸淳乙丑良月同張彭二寅契遊七星巖因

以紀勝

杖履追隨入翠蓬玲瓏一竅徹心胸山羅斗宿英靈
萃地鎮龍潛氣勢雄碑蘚猶涌周子澤澗松仍有老
包風歲寒共約吾三友要把清規踵二翁

再詠星巖

曾聞媧氏補天漏也記春秋石隕星却訝端巖星錯
落何時漂墜數峯青粵詩
蒐逸

鄭會龍

福州連江人寶祐四年進士

蔣詩翁故居

詩翁倦去舊壇荒雲滿空山花自香老盡遊人春不
問杜鵑聲裏幾斜陽

廣西通志金石

鄭尊

尊貴溪人寶祐四年進士

早春山行

山舍雨餘好溪深萬竹齊客同春日出鳥向谷風啼
澹泊雲無着崎嶇路欲迷由來能力疾歸踏夕陽低

江西詩徵

蔡蒙吉

程鄉人寶祐四年舉童子科卽登進士授韶州

司戶兼司法權梅州簽書城守死

王壽山

王壽山頭石徑斜
不知何處有仙家
烟霞踏徧芒鞋破
一路春鳩啼落花

廣東通志
山川畧

陰那山

宮闕空懸勝絕奇
天然泉石畫中窺
五峯指月攢寒玉
二水流雲漾碧漪
魚鳥身如遊極樂
猿猴心似發菩提
沈沈鐘鼓僧閒寂
客亦忘言自得之

梅江晚泛

罷讀出江岸江波滾滾來
呼舟閒打槳載月一二更回

何處吹橫笛蕭蕭荻叢徐看釣艇出蓑笠一漁翁

以上粵
詩蒐逸

楊起莘

通志作莘

湖北通城人寶祐丙辰進士與文天祥同榜第
二考官王應麟奏賀得人一甲十名皆賜狀元
及第官終九江倅

金雞石

千年古石號金雞化羽霏霏長羽儀豈爲稻梁謀飲
啄且將天地作籠棲祥雲架上非孤立入曉聲中豈
亂啼過客休同凡鳥視等閒飛到鳳凰池

徵傳畧
湖北詩

梅應春

號雪樵湖北廣濟人寶祐丙辰進士爲餘干令
以趙葵薦陞瀘州安撫使淳祐間進禮部侍郎
著有寓瀘遺稿

復瀘凱歌

重壁山前瑞色開浮環夜渡捷騎來一旗金鼓轅門
曉喚得滿城生意回

休訝朝家奏報遲平生忠孝鬼神知但留一片丹心
在會有天回地轉時

湖北詩徵傳畧

梅國湗

號作所湖北廣濟人工詩賦宋亡武昌程平章
屢薦不起

卻聘

野人不慣服冠裳散髮披襟興味長他日麒麟應有

援願留蘇武牧羝羊

湖北詩徵傳畧

方琛

天台人竇祐丙辰題詩虎邱

劍池

裂破幽崖續古苔一泓俯瞰石房開轆轤覓日知無

盡泉脈元從海岳來

虎邱志

林起鼈

永嘉人寶祐進士官兵部郎中德祐間知南劍州黃萬石既降元將取全閩以爲功起鼈逐之萬石敗走

挽胡季昭

直節槃槃古樹平綱常山重一身輕厯陳高廟神靈語願法周公日月更飛霧墮薦遷客憾漏泉疏爵大君明百年富貴端能幾天壤無窮獨令名見象臺首末

樊夢辰

萬載縣主簿

挽故知容州朝請陶公二首

人物晨星似誰歟硬脊梁高風思靖節流派到平塘
勇向急流退歸來三徑荒未爲充懶句寄傲益增光
利慾嗟欄倒沈淪幾縉紳頽波障流俗砥柱賴斯人
高節標時望清風濯世塵聖朝公史筆卓行傳名臣

見平塘集

易中行

吉州節制使準備差遣

挽故知容州朝請陶公二首

平塘古君子出處一淵明詩句月般好宦情雲樣輕

從教五馬貴不博幾鷗經滿目西山恨遙途駐降旌
顧予生最後相去又臨川欠識先生面幸親令子賢

典型端有白衣鉢豈無傳德似君家好清修一節堅

見平塘集

祝慶夫

義甯州人初生大父夢坡夢有紫雲覆寢室因
字雲生赴神童科中選詔對言詞敏捷賜賚甚
厚

池魚

方池如鑑碧溶溶錦鯉遊揚逐浪中竚看三春烟水

暖好觀一躍化神龍

庭竹

庭前修竹長琅玕任是隆冬不畏寒戛玉節金承雨
露亭亭青翠拂雲端

句七歲作

冰雪凝難解風雲慶有時

義甯州志

魏克愚

臨邛人寶祐中知徽州克愚了翁子爲政知先務
闢貢闡作橋梁政恬事熙民安其化

游洞霄登蓬山隱居

仙境孰爲眞蓬山隱獨清樹林陰上下樓觀影崕嶧
雨送流泉響禽供搗藥聲何須天柱頂身已在空明

洞霄詩

集卷五

趙立

字德成號蔗谿寶祐時權湖南永州府

山行

寶祐二年

愛殺瀟湘境山行知幾重風輕秋思重雲淡曉陰濃
隔水時呼艇經崖自策筇巖局聊問訊把酒欠從容

飛狐

肆毒山中誇巨蟒問經巖下化靈狐不知昨夜飛鳴

處曾報溪翁到此無

山谷碑

長記兒童膝下時便聞山谷澹巖詩江湖老矣蕭湘過始得摩挲石罅碑

雷神碑

此洞當年本祀雷棟梁見我忽傾摧寺僧爲報山靈說不用驚疑俗客來

丹鑪藥臼

巖中一二子已飛僊藥臼丹鑪尙儼然無奈故鄉心正切未由此地結清緣

石井

酌泉石井喜無涯
喜與貪泉隔嶺西
况有中秋明夜月
輕舟同載下浯溪

湖南通志

塞材望

字君厚累官潼川別駕湖州通判

題石魚

何代潛鱗翠珍鐫雙雙依藻更依蓮
夢符端報屢豐兆物盛

魚麗美萬物盛多

宜歌大有年玉燭調和從可卜金

刀題詠又開先渾如潑刺波心躍感召還知太守賢

留祐

寶祐中寧德令

赤鑑湖

赤鑑有遺利曠古無人興海上誰鞭石馮夷當效靈

福寧府志

周雲叟

江郎山

巨靈一夜劈山開三石堆從天外來仙客研開修月

路化工築作挽河臺

江山縣志

丁師正

字竹巖

挽故知容州朝請陶公五首

游宦天西北心隨造物游春風鄖子國明月岳陽樓
政出黔黎喜名高夷狄愁案巡邊萬里風雪破貂裘
嚼得菜根斷詩寒骨更懼愛民心雪白報國鬢霜枯
仕久衣長破歸來屋亦無全家寄僧舍冰凍折吟鬚
萬影奔朝市歸山見一人青雲莫相附白雪不生塵
暖日眠松石涼風岸葛巾依然舊原憲猿鶴伴清貧
苦硬黃花節霜枝香更清乾坤一龐老今古兩淵明
白玉難重見孤冰不復夢中期會面雪涕話平生

牙言
揖坐樓頭夜酒杯生菜盤交情三月暮細雨一燈寒
談笑響如在賡酬墨未乾死生千古別西日照闌干

見平
塘集

莊密節

長沙人

浯溪

元翁作頌魯公詩峭壁雲烟萬古垂三絕堂邊月浸
碧兩峯亭下草生悲英風義概有存者流水高山誰
會之便使中原歸趙壁磨崖再勒中興碑沅湖者舊傳

王亞夫

襄陽人寶祐間知閩清縣舉弊補偏各適其宜

邑多大家不阿不撓良善爲之吐氣度宗時知

溫州

見零陵志金石福建通志

淳祐甲辰題蘇端明書天慶觀乳泉賦並柬

蘇公早聞道文章乃其戲乳泉出重海作賦聊記異
玉池曠中夜挈瓶非小智氣者水之生此語可深味

書畫
彙考

張榘

字方叔號芸窗華陽人有詩集並樂府行于世

送戴式之自越遊江西

石屏峯下孤吟客吟到頭童更苦吟四海江山多識面百年人物半知心詩于唐宋偶先後較以杜韋無古今容易相逢容易別不堪回首白雲深

樓中卽事

園亭已覺晴簷暖樓上東風尙峭寒燕壘泥乾芹菜老密房香滿杏花殘詩懷正似曉山好酒量不如春水寬陌上兒童應笑我黃昏猶是倚闌干

有懷尤贊府季嵒

端

西風約暮雨虛亭得新來忽焉見峻嶒鬚髯呈萬象誰其伴孤吟寒蛩軋幽響碧雲渺佳人抱膝注遐想

春盡出郊

薔薇花落筍斑斑
醞釀清和數日間
杜宇不知春去了
又啼斜日過前山

詩苑
眾芳

羅耕

字存甫廬陵人開慶元年進士調臨江軍清江
縣主簿調贛州濂溪書院山長

送胡季昭謫象州

赤心端欲贊皇圖
鼓瑟那知恰好竽
崇論已聞驚伏馬
據忠甯復忌城狐
當爲天下奇男子
肯學人間小丈夫
更問潛翁老居士
儋州遠似象州無

見象臺首末

翟龕

號遯菴東莞人景定二年領鄉貢咸淳二年再舉元兵入粵嘗攝邑簿宋亡隱居不仕

崔清獻公祠堂落成

象笏猶存舊典型魏碑亦此振家聲矧今故第堂堂復不日新祠恰恰成嘉定間關全蜀險端平倉卒護鄉城此功此德垂千古自有人人香火情

粵詩
蒐逸

林天瑞

字子輯溫州人景定二年知崇安縣

謁朱夫子祠

天下有明月人世苦昏昏山色無今古谷雲常吐吞
微言誰與析妙理獨難論萬樹秋風老先生道自尊

武夷山志

武夷卽事

長卿非慢世陶令已辭官解組投蓮社逢人戴鵠冠
青天不可問白髮若爲看偶遇壺邱子飯心授大丹

武夷山志

戴良齊

字彥肅號泉溪黃巖人景定壬戌進士二年以
太常寺簿除秘書郎兼史館校勘兼莊文府教

授景定五年除著作郎咸淳元年爲軍器少監
館閣錄以古文鳴尤精性理之學著有通鑑前紀

曾子遺書孔子年譜世譜等書

寄立齋二首

玄雲太山阿倏忽起天際悠哉復何心適與飄風會
雲間翔虬螭蜿蟄炫五彩萬生方顛顚豈但千里內
吾鄉作者幾俯仰既千載願言慰斯人名實施四海
蜚鴻時以南蜚鴻時以北翻翻堂上燕來往逝安適
秋聲來九天星漢浩無極巖巖北有斗可望不可即
極望勞我心夢想三太息下有縱壑鱗上有飛雲翼

杜清獻集別錄
引赤城詩集

江景春

青陽人景定三年進士

費拾遺書堂

投閒深感聖君恩放浪華山酒滿樽高下數峯擇日
月東南一柱壯乾坤雁拖秋色迷漁浦鴉背斜陽過
洞門偶聽山中風水響恐疑仙樂和朝垣

九華山志

陳羽

沙縣人景定三年特奏名

宿淮陰縣作

秋燈點點淮陰市楚客連檣宿淮水夜深風起魚鼈腥韓信祠堂月明裏

方輿勝覽卷四十六

林斗南

樂清人又化州人景定三年進士桂州通判

白石山

路迥榮紆行木杪脚力窮時山更好苦吟轉覺嘉句慳望遠方知眾山小登臨自昔知幾人留題石岸蒼苔新吁嗟開闢歲時久名字湮沒多無聞細觀天地無窮極百歲浮生真一息少和靈運縱垂名俯仰之間亦嘵迷何如大人能達觀古今等視猶晨昏朝菌

靈芝皆死爾彼有修短何足言往來盤薄何爲者祇爲幽懷未渠舍凭欄一覽萬境空轍迹何須遍天下

宋詩
拾遺

史功舉

字士行四川眉州人景定乙未進士四年以大理寺丞除秘書郎咸淳四年以著作佐郎兼國史院編修官實錄院檢討

題東老庵

弁山凝翠碧橫天霅水開鑑流清泉隱君東老志高深一庵結在青山邊平生倒屣愛佳客買書不惜傾

囊錢秋風八月酒初熟邂逅有客來翩躚丰姿洒落
眼秋碧太白邀飲清風前欣然二翁話相得醉來促
席相留連不覺達旦欲辭去笑語拍手洪崖肩逡巡
酒翰落珠玉藹藹態度含雲烟更將禡福論天命衣
冠後世終榮傳嗟乎東老今已矣長有聲名伴山水
祇應驂鸞跨鶴蓬萊去猶使鄉人指點庵前路永林山志

王義山

字元高豐城人景定進士知新喻縣歷永州戶
曹著稼村類纂二十卷

甘露堂

掃除黃葉拂塵埃
講座雖虛尙有臺
歲晚喬松典型在
烟波疊嶂畫圖開
不須瑞露從天降
應是慈雲爲客來
須信中邊甜似蜜
吟詩未足報崔嵬

宋詩拾遺

潘從大

宣城人景定壬戌進士

疎齋以舊作題淵明歸來圖詩見贈依韵奉和

公歸豈爲三徑松
取節荆軻讌祖龍
平生大義要其終
遁身甘混田舍翁
肯隨一世皆尙同
言言易水詩見志
撫卷陡覺辭深雄
誰知筆補造化工
寓懷麴蘖

匪昏醉孤忠耿耿蟠心胸紆轡幾許塵埃中柴桑不
與車馬通八表同昏雨濛濛瞰日行天西復東當年
榮木隨時窮黃花今猶傲秋風拜公遺像讀公傳眼
高千載爲之空

疎齋用前韵記響山之遊依韵奉答

空山在昔森萬松兩賢曾此登虬龍流風餘韵無時
終我來寒棲鬢成翁人生出處何心同夢破邯鄲幾
富貴戰退蠻觸相長雄靜定要與山爭功繡衣光華
照巖壑豁然納我雲夢胸羣峯飛翠匏樽中仙源還
口漁舟通須臾烟霏散空濛樓觀隱約孤城東感慨

宋朝一統舊江山南北中分已百年壯士不須誇此
頌健提椽筆上燕然

湖南通志
金石畧

陳洵直

號南渠居士趙汝湜之舅

九鎖步虛詞

第一天關鎖

仙人十二樓縹紗垂重鑛志士憫幽阻鬱觀何繇攀
棲真厯幾塵洞戶方屏顏一鎖度靈鑰九虎開天關

第二藏雲鎖

圓象默交感序氣翔氤氳歛偃華蓋貫絡日寶熏

八景非眞遙款扣虛皇君一一鎖度靈鑰松風卷藏雲
第三飛鸞鎖

琅軒列朱房風露峩高寒森羅九宮道隱約八卦壇
春酣酌金漿微視揮外丹三鎖度靈鑰悠悠控飛鸞
第四凌虛鎖

太虛本非有團塊何迂疎一旬更五日風乎駛軒如
神馭兩腋輕絳霞理襟裾四鎖度靈鑰八表當凌虛
第五通眞鎖

神氣化虛晃太上尊玉宸鍊此沈下質感彼元上春
靈液返流用偃息崑崙津五鎖度靈鑰滯散潛通眞

第六龍吟鎖

粵嶂洞陰省嵯峨鬱千尋中有不測淵蜿蜒伏蕭森
作需待時舉妙化通天心六鎖度靈鑰綜御歸龍吟

第七洞微鎖

嘉遁仰靈範世道何轄轍長生昔對面皇皇昧元機
沈潛不足吞正一知所歸七鎖度靈鑰進力行洞微

第八雲璈鎖

攀礪玉峯巒眞朋夏遊遨洗耳發清響躡蹠瓊鸞高
飛泉落松杪節奏風蕭騷八鎖度靈鑰鏗鏗引雲璈

第九朝元鎖

矯首太霞眞飛忱紫微垣委婉速霞舉脫灑人命門

羽葆交芝雲琳琅飈神旛九鎖度靈鑰五氣身朝元

洞微詩
集卷五

宋詩紀事補遺卷之七十二終

門下士烏程縣學生員李延達校